

Kölsche Fastelovends-Leeder

**Wie wor ze Kölle doch he vör Joahre
op jede Art un Wies dat Levve nett.
Höck öss mer selver sich net räch em Kloare,
ov mer ne Fimmel oder keene hätt..
Dä frömde Krom, es öss doch ze beduure,
als ahle Kölsche schöddelt mer de Kopp.
Deht mer sich bloss die Dänz von höck beluhre
stöss eenem jedesmol de Heimat op!**

**Refr.: Och, wat wor dat fröher schön doch en Colonia,
wenn dä Franz möm Nies nom ahle Kohberg jeng!
Wenn dä Pitter Ärm en Ärm möm Appolonia
stell verjnüch om Heemwäch ahn ze knutsche feng!**

**De Winands hann nen Haas em Pott, miau, miau, miau,
der Hövelmanns ihr Katz' öss fott, miau, miau, miau!
Dat Dier dat sooss noch jeste Naach, miau, miau, miau,
möt sengem Bräutijam om Daach, miau, miau, miau!**

**Däm Schmitz seng Frau öss durchjebrennt, tra - la - la - la - la - la - la,
wohin, dat öss noch unbekannt, tra - la - la - la - la - la - la.
Zitt jeste Ovend öss se fott, tra - la - la - la - la - la - la,
dä Schmitz, dä laach sich halv kapott, tra - la - la - la - la - la - la.**

**Jetz hätt dat Schmitze Billa, en Poppelsdörp en Villa!
Et hätt se eije Huus, et Bill öss fein eruss!
Jetz hätt dat Schmitze Billa, en Poppelsdörp en Villa!
Et hätt se eije Huus, et Bill öss fein eruss!**

**Mama, Mama - osse Heinemann,
dä well zom Namensdach e Schaukelpädche hann!
Mama, Mama - wenn et Freud em mähd,
dann jank zom Tietze Leienad on koof däm Jong dat Päd.**

**Woröm solle me dann ad en de Heija jonn, de Heija jonn, de Heija jonn,
et öss noch vell ze fröh, mer blieve noch jet he!**

Woröm solle me dann ad

**Jo watt hätt dä dann, jo wat well hä hann
dä Kleen dä moss ene Nüggel hann,
dröm jett em wat hä well, dann öss e wedde stell.**

Jo wat hätt dä dann

**Wie kött die Mösch, die Mösch, die Mösch, bei oss wohl den de Köch?
On setz sich medden op de Desch, die Mösch, die Mösch, die Mösch.
Watt well die en d'r Köch, en Mösch hört en de Bösch!
Och wenn se doch bloß widderflöch, die Mösch, die Mösch, die Mösch.**

**Kutt eropp, kutt eropp, kutt eropp!
Bei Palms do öss de Pief verstopp!
Jetzt hätt die ahl Frau Palm
de janze Stovv voll Qualm.
Kutt eropp,**

**Kölsche Mädche könne bütze, jo datt es en wahre Staat.
Su e Bützje von enem Nützje, jo datt schmähd wie Appeltaat!
Kölsche Mädche**

**Am Dom ze Kölle, ze Kölle am Rhing,
do klingen de Jlocke su prächtisch un fing.
He wolle mer blieve, he se mer ze Huus,
he kritt ons kei Deubel, kei Deubel eruss.**

**En Kölle am Rhing ben ich jebohre, ich hann un datt litt mer em Senn,
meng Muttersproch noch net verlohre, datt öss jet, wo ich stolz drop benn.
Wenn ich su an meng Heimat denke un senn d'r Dom su vür mer stonn,
möch ich direck op Heim ahn schwenke, ich möch ze Foß no Kölle jonn,
möch ich direck op Heim ahn schwenke, ich möch ze Foß no Kölle jonn.**